

San Pablo Titore chu'o tocha saosi'ea'me

Pabloji Titoni sēm̃

¹ Chu'u, Pablo, Dios chũ'uñe cho'оче cho'okaiku'mu. Jesucristoji chu'ure saosi'kuam̃ Dios chu'ore chu'vaa'ku chini, Dios chēa paajanapi Repauni cuasaju jovo Dios chu'o ũcuarepare masiju re'oja'che paapu chini. ² Dios apereparumu chuta'a cheja peorumu Repa pa'icheja pāi sani pa'ijachere kuasomu. Jorema'kuam̃ Dios. Diore cuasaju jovosina Ũcuau pa'ichejare ai sani pa'ijanaa'me. ³ Chura Repa paanare vati toa sani uuche Ũsekuji Dios Repa chiisirumujekuna pāipi asa masia'ju chini chu'uni chũ'usi'kuam̃ Repa chu'ore chu'vaa'ku chini. ⁴ Tito, chu'u ie chu'o tocha saomu mu'ure. ¿Pa'iku mu'u? Mu'ure ruu cuasamu chu'u. Chu'upi mu'uni Dios chu'ore kuana Repauni cuasaku jovosi'kuam̃ mu'u. Jā'ajekuna chu'u chīija'iu pa'im̃ mu'u chu'ure chura. Jesucristo'te maire vati toa sani uuche Ũseku ni Ũcuate'eute cuasanaa'me mai. Repa Jesucristo mai Ja'ku Diona'me mu'u rekochona re'oja'che pa'iche'te cho'okaijuna re'oja'che pa'ijũ'u.

Tito cho'ojachere kuamu Pablo

⁵ Chu'u mu'una'me Creta juupo pa'iu mu'ure jo'ka ranisasi'kuam̃, mai cho'o pi'nimanesi'ere mu'upi na'a pa'iu cho'o pi'nia'ku chini. Mu'ure chũ'usi'kuam̃ chu'u Jesure cuasana pa'ijooopā si'ache repajoopā ku'iu Jesure cuasanare chũ'uju kuirajanani, ainani jñaa jo'kaa'ku chini. ⁶ Ija'che pa'inani chēajũ'u: Jesure cuasanare chũ'ujana ija'che paapu: Cu'ache cho'oma'ñe paapu pāipi cu'ache cutumanea'ju.

Romi te'enarechi'a paaajju. Repana mamachii Jesure cuasaju puka'kupai chũ'ũñe jachama'ñe paapu. Mamachiiipi ũcuauache cu'ache cho'oto puka'kupai pai chũ'ũcu'amu. ⁷ Jesure cuasanare chũ'ũnapi, repana chũ'ũnare re'oja'che paaju, Diore cho'oche cho'okaapu. Cu'ache cho'omaneaju repana. “Chukuna na'a rua masime”, chini chekuna i'kache asacuhemaneaju. Na'mi pe'rumaneaju. Cono jũ'imaneaju. Chekunare vaimaneaju. Kurineemaneaju. ⁸ Jesure cuasanare chũ'ũnapi ija'che pa'ito re'omu: Chekunare pai so'ña rainare āuna'me kairuu isiaju. Chekunare re'oja'che cho'okaiju paapu. Dios chũ'ũñe'te cho'oa'ju, cho'ouama'tojẽ'e. Chekunana'me re'oja'che pa'iju Dios chiiche'te cho'oa'ju. Chekurumu cu'ache cho'ouatojẽ'e cho'omaneaju. ⁹ Jesure cuasanare chũ'ũnapi chu'u che'chosi'ere Dios chu'o ũcuarepare jmamakarujẽ'e jo'kasoma'ñe cuasaju paapu, pai ke'retojẽ'e. Jo'kasomaneni chu'u che'chosi'ere chu'o chekunani che'chomasijanaa'me repana. Ūcuachi'a jorechu'o che'chonare chu'vamasijanaa'me repana chu'vachu'ore asa chẽaa'ju chini.

¹⁰ Dios chu'o jachana jainukoame, peoche i'kaju jorena. Judíopai rua jainuko jā'aja'ñe cho'ome. Ūmupai ũcuanukore ija'che i'kame: “Musanukonapi jikochã'tiro chuto tuacojñoma'to Dios pa'icheja saicu'aja'mu”, chiime repana. Joreme. ¹¹ Repanare Dios chu'o jachanare ũsejũ'u, cu'ache che'chomaneaju. Kurire kooñu chini cu'ache che'chome repana. Jā'aja'ñe che'choju te'evu'ña pa'inare ũcuanukore cacu'ojju pa'ime. Jā'ajekuna repana cho'oche'te ũseto rua re'omu. ¹² Aperumu Creta juupo pa'iku rua masiujji ija'che i'kaasomu: “Creta juupo pa'ina ũcuanuko jorenapi ai ainaa'me. Pa'ivesuju,

ñamejũ, vaineejũ, cu'ava'na pa'icheja'che pa'inaa'me", chiniasonũ repaũ. ¹³ Ūcuarepaa'me repaũ i'kasi'e. Jã'ajekũna repacheja pa'inare ruã chu'vajũ'ũ, Dios chu'ore asa chẽa cuasajũ paapũ. ¹⁴ Ruã chu'vajũ'ũ repanare, judiõpãi aichũ'o kuache'te jorechũ'ore asa chẽa Dios chu'o ũcuarepare jachana chũ'ũñe'te cho'omanea'jũ. ¹⁵ Pãi re'ojarekoñõã paana re'oja'chechi'a cho'onaa'me. Pãi cu'arekoñõã paanata'ni, cu'achechi'a cho'onaa'me. Dioni jachajũ, cu'ache'te cuasajũ re'oja'che cho'ovesũme repana. ¹⁶ Repana cu'ache cuasana, "Diore cuasanaa'me chũkũna", chiinata'ni re'oja'che cho'omapũna ña jachame pãi repanare. Dios peore, "Cho'omanejũ'ũ", chiisi'ere cho'ojũna pe'rumũ Dios repanare. Dios chũ'usi'eta'ni cho'oma'me. Re'oja'cheta'ni jmamakarũjẽ'e cho'ovesũnaa'me repana.

2

Pablo Tito che'chojachere kuamũ

¹ Mu'uta'ni, re'oja'chechi'a che'choku pa'ijũ'ũ, Dios chu'o ũcuarepare. ² Umũpãi ainare ija'che che'chojũ'ũ: "Re'oja'che pa'ijũ, cono jũ'ima'ñe pa'ijũ'ũ, chekũna pãi ña kukũa'jũ musanũkonare. Cu'ache cho'oche jũvomasijũ cho'oma'ñe pa'ijũ'ũ. Diore masi cuasajũ'ũ. Pãi ũcuanũkore oijũ'ũ. Ūcuachi'a musanũkonare cu'ache ti'jñeto Diore cuasache ũhasomanejũ'ũ." Jã'are che'chojũ'ũ umũpãi ainare. ³ Ūcuaja'che romi ainare ija'che che'chojũ'ũ: "Re'oja'che pa'ijũ Dioni cuasajũ pa'ijũ'ũ. Chekũna pa'iche ñani cu'ache cutumanejũ'ũ. Cono jũ'ima'ñe pa'ijũ'ũ. Re'oja'che cho'ojũ pa'ijũ'ũ, musanũkona pa'iche'te chekũnapi ña chẽa paapũ. ⁴ Romichĩire re'oja'che che'choñũ chini jã'aja'ñe pa'ijũ'ũ. Musanũkona airomipi romichĩi umũ pa'inare

ija'che che'choto re'omu: 'Muũjure cuasaju pa'ijũ'u, chíiva'nare ũcuachi'a. ⁵ Masi cuasaju cu'ache cho'oma'ñe pa'ijũ'u. Ñamema'ñe masi kuiraju pa'ijũ'u chíiva'nare, puka'kure ũcuachi'a. Chekunare pã ña oiju pe'keruji i'kaju pa'ijũ'u. Romi musanukona mũjupã chũ'uñe jachama'ñe cho'oju pa'ijũ'u. Jã'aja'ñe pa'ijuna pãipi ñani, Diore cuasanajeju re'oja'che pa'inaa'me jã'ana, chijjanaa'me musanukonare. Cu'achu'o i'kachejẽ'e peoja'mu repanare.' ” Aiomipi romichiire jã'aja'ñe che'choto re'omu.

⁶ Ūcuachi'a pösüpãire ija'che che'chojũ'u: “Musanukonare cu'ache cho'ouatojẽ'e re'oja'chechi'a cho'oju pa'ijũ'u”, chijũ'u repanare. ⁷ Mu'ujẽ'e repaña ñaju'te si'arumu re'oja'chechi'a cho'ojũ'u, mu'u pa'iche'te ña chëaa'ju. Repanare chu'vani jmamakarujẽ'e jorema'ñe chu'vajũ'u. Apema'ñe rũhiñe che'chojũ'u repanare. ⁸ Si'arumu chu'o ũcuarepare i'kaku pa'ijũ'u, pãipi mu'uni cu'ache cutumanea'ju. Re'oja'chechi'a i'kajũ'u maire cuhenapi cu'ache i'kama'ñe paapu. Cu'ache cho'omanajeju na maire cu'ache i'kavajuchujanaa'me repaña.

⁹ Pã chekunare cho'оче cho'okainare ija'che chu'vajũ'u: “Musanukonare paana chũ'uñe peore re'oja'che cho'ojũ'u, repanapi ña pojoa'ju. Musanukonare chũ'uto ke'remanejũ'u repanare. ¹⁰ Repaña nee jmamakarujẽ'e ñaasokaimanejũ'u. Re'oja'che pa'ijũ'u, musanukonani repaña cu'amajñarua kuirache'te jo'kavajuchumanea'ju. Re'oja'chechi'a cho'oju pa'ijũ'u, musanukona pa'iche'te pãipi ña ũcuanuko, 'Dios vati toa sani uuche Ūseku chu'o rua re'oja'imu', chijju masia'ju.” Jã'aja'ñe chu'vajũ'u cho'оче cho'okainare.

¹¹ Diopi oiꝯ re'oja'che Cho'okaikꝯjekꝯ Repaꝯ paanare vati toa sani uuche ũsemꝯ. Pāipi Repaꝯ pa'iche'te masia'jꝯ chini ũcuanꝯkore re'oja'che cho'okaikꝯ'mꝯ Dios. ¹² Diopi maini re'oja'che cho'okaiꝯna re'oja'che pa'imasinaa'me mai. Dios maire che'chokꝯ'mꝯ Repaꝯ, “Cho'omanejꝯ'ꝯ”, chiisi'ere cho'omanea'jꝯ chini. Che'chomꝯ maire, ũcuauache cu'ache cho'oꝯatojẽ'e re'oja'chechi'a cho'ojꝯ paapꝯ chini. Che'chomꝯ, maipi chekꝯnani re'oja'che ja'me paapꝯ chini. Che'chomꝯ maire, icheja cheja pa'inapi Repaꝯni masi cuasaa'jꝯ chini. ¹³ Icheja chejare pa'ijꝯ pojojꝯ cha'ame mai, Jesucristo jo'e cajejachere. Maire vati toa sani uuche Ũsekꝯ, Peore Masikꝯ, Jesucristo re'oja'che ñoꝯ ko'sija'ia cajeja'mꝯ. Dioa'mꝯ Repaꝯ. ¹⁴ Repaꝯ Jesucristo maini oiꝯ vati toa sani uuche'te Ũsekꝯ jũ'iñe cuhema'ñe mai cu'ache cho'oche jũni ro'ikaisi'kꝯa'mꝯ. Ũcuachi'a mai rekoñõãre care'vakasa chini jũni ro'ikaisi'kꝯa'mꝯ, maipi cu'ache cho'oche'te ũhaso re'oja'che cho'ojꝯ paapꝯ chini. Maini paara chini jã'aja'ñe cho'osi'kꝯa'mꝯ Repaꝯ.

¹⁵ Tito, ie chꝯ'ꝯ tochasi'e peore che'chokꝯ pa'ijꝯ'ꝯ mꝯ'ꝯ. Repaꝯ chꝯ'ore chꝯ'vaa'kꝯ chini Dios mꝯ'ure chꝯ'usi'e Repaꝯ'te masi cuasanare chꝯ'vakꝯ pa'ijꝯ'ꝯ, ũhasomanea'jꝯ. Ũcuaja'che masi cuasamanare Dios chꝯ'ũñe'te rꝯa i'kajꝯ'ꝯ masi cuasaa'jꝯ. Ũcuanꝯkore masi chꝯ'vajꝯ'ꝯ, mꝯ'uni jachamanea'jꝯ.

3

Jesure cuasana re'oja'che pa'iche'te kꝯamꝯ

¹ Repacheja pa'inare Jesure cuasanare si'arꝯmꝯ ũcuanꝯkore ija'che chꝯ'vakꝯ pa'ijꝯ'ꝯ: “Pāi chꝯ'ũnare jachama'ñe cho'ojꝯ pa'ijꝯ'ꝯ repana chꝯ'ũñe. Repana cho'oũseche cho'oma'ñe pa'ijꝯ'ꝯ. Re'oja'che

cho'ochечи'a cuasaju pa'ijũ'u. ² Pãi chekuna pa'iche ñani te'eu'terejẽ'e cu'ache cutumanejũ'u. Chekunare ke'rema'ñe pe'keruji i'kaju pa'ijũ'u. 'Na'a rua masime chukuna', chiima'ñe, chekunare ruarepa chũ'uma'ñe pa'ijũ'u, Jesure cuasanana'me cuasamanare." Jã'aja'ñe chu'vajũ'u repanare.

³ Aperumu mai ũcuachi'a rua cu'ache cho'uju pa'isinaa'me Jesure chuta'a cuasamarumu. Pãi chũ'unare rua jachasinaa'me. Cu'ache cuasaju re'oja'chejẽ'e cho'ovesusinaa'me mai. ũcuache cu'ache cho'uju pa'inajejuna, re'oja'che cho'ocu'asi'ku'a'mu maire. Pãi chekunare rua cuhesinaa'me mai. Mai ũcuachi'a sãinechi'a cuhesinaa'me. Pãi ũcuachi'a rua cuhesinaa'me maire. Pãire cuheju cu'ache cho'uju pa'isinaa'me mai. Pãi chekunare re'oja'che ti'jñeto pe'rusinaa'me mai. Jã'aja'ñe pa'isinaa'me mai aperumu. ⁴ Jã'aja'ñe pa'inareta'ni oisi'ku'a'mu Dios maire. Dios Repau chiisirumu tĩ'ana chejana raosi'ku'a'mu Jesure, mai cu'ache cho'ochete jũni ro'ikaau chini. ⁵ Ija'che i'kama'ku'a'mu Dios: "Re'oja'che cho'onajejuna cho'okaimu chu'u inare", chiima'mu Dios maire. Cu'ache cho'onareta'ni maini oi'u vati toa sani uuche ñsesi'ku'a'mu Repau maire. Repau chĩ paapu chini mai cu'arekoñoã paasi'e re'ojarekoñoã care'vasi'ku'a'mu Repau. Mai rekoñoãna ũcuau Rekocho'te rao mamarekoñoã cho'osi'ku'a'mu Repau maire. ⁶ Dios cuhema'ñe ũcuau Rekocho'te raosi'ku'a'mu maire si'ache cho'okaa chini, Jesucristoji maire vati toa sani uuche'te ñseku jũni ro'ikaisi'ejekuna. ⁷ Dios maire oi'u rupu cho'okaiu cu'ache cho'omanare cuasacheja'che cuasamu, na'a pa'isirumuna mai Repau chĩijeju ũcuau pa'ichejare ai sani paapu chini. Jã'are cha'ame

mai. ⁸ Ie chu'o chu'u tochasi'e peore ũcuarepaa'me. Jã'ajekuna iere chu'o si'arumu che'choku pa'ijũ'u, repacheja pa'inapi Diore cuasanapi chekunare re'oja'che cho'okaiju paapu chini. Repanani jã'aja'ñe cho'oto ruu re'omu. Chekunare pãĩ ũcuachi'a, repana ti'jñe re'oja'che cho'ojanare ũcuanukore re'oja'che pa'ija'mu.

⁹ Mai vesuche'te chekunapi sãĩnechi'a cututo ja'me cutuma'ñe pa'ijũ'u mu'u. Pãĩ te'ena aipãĩ aperumu chíi jojosi'ere aichu'opi joreju kuato ja'me cutumanejũ'u. ũcuachi'a judío aipãĩ chũ'usi'ere cutuju sãĩne pe'ruju pa'imanejũ'u. Rupu peoche i'kache'me jã'a. Jã'are cutuju re'oja'che pa'iche che'chemanaa'me mai. ¹⁰ Pãĩ te'ena cu'ache cutume, chekunapi cavaju sãĩnechi'a cuheju ja'me pa'imanea'ju chini. Jã'aja'ñe cutunare ñsejũ'u jo'e cutumanea'ju. Jo'e cu'ache cututo jo'e te'echo i'kajũ'u repanare. Ka'chañoã i'kasi'ere cuhama'ñe ũcua cututo chekunare Jesure cuasanare ja'me pa'iche ñsejũ'u repanare. ¹¹ Jã'aja'ñe pa'ina cu'anajeju ũcuarepa cho'omanaa'me. Cu'ache cho'ojuna repana cu'arekoñoã paache masime pãĩ.

Tito cho'ojachere kuumu Pablo

¹² Icheja pa'iku'te te'eu'te mu'u pa'ichejana saoja'mu chu'u, chekurumu Artemani, chekurumu Tíquiconi. Repau saisirumu saire'oto Nicópolis vu'ejoopona pesa sani tijñajũ'u chu'ure. ũcuajoopona sani canuka okorumu si'achetu'ka pasa chiimu chu'u. ¹³ ũcuachi'a Roma chũ'una chũ'ujuna tochasi'e ruu masiku'te Zena'te Apolona'me mu'u pa'ichejana saisirumu cho'okaijũ'u repanare, jo'e re'oja'che kuhapu chini. ũcuauache repana chiiche karato isijũ'u repanare. ¹⁴ ũcuaja'che Jesure cuasana repacheja pa'ina, chekunare re'oja'che cho'oche che'che sãĩnechi'a kuirato, repana

chiiche karamaneja'mu. Ũcuachi'a repanapi re'ona pañu chini re'oja'che cho'ojũ paapu.

Tocha pi'nicuhasi'ea'me

¹⁵ Chu'ure ja'me pa'inana'me, chu'o saomu chu'u mu'ure. Jesuni cuasaju chukuna'te cuasanare chu'o sa kuakajũ'u mu'u. Diopi musanukonare ũcuanukore ruu re'oja'che cho'okaaũ, re'oja'che pa'imasia'ju chini.

Pablo

Dios Chu'o Kuaphuro

Koreguaje: Dios Chu'o Kuaphuro New Testament

copyright © 2009 Wycliffe Bible Translators, Inc.

Language: Koreguaje

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 4 Mar 2022

87a345ac-83c6-51ad-8750-17a703f38bcc